


ՄԱԿԱԿԱՆ
ԳՐԱԴՐԱՆ

ՄԱԿԱԿԱՆ



845.
4-36

Թիր 7

ԻՇՈՒ ԱԾ
ՅԻՇԱՏԱԿԱՐԱՆ

11-8
10

„ՄԱՍԻՍ“ ԿԵ ՆՈՒԻՐԵՆ

ՊՈՒԲՐԵՇԵՆ

Պր. Գր. Հալածեան — 1 տարուան, Մուսուլի հայ վարժարանին
» Եմսցելի — » » Դէորդ Յօվհաննէսեանի (Պուքրէշ)

ԲԱԺԱՆՈՐԴԱԳՐՈՒԹԻՒՆ, ԵՒ ՀԱՏԱՎԱԾԱՌ
ՈՒԽՄԱՆԻՈՅ ՄԷՋ ԴԻՄԵԼ

ՊՈՒԲՐԵՇ՝ ա) «Մասիս»ի քարտուղարութեան՝ B-dul Maria, 8. գ. 5. 8-ը
բ) «Արագ»ի եւ «Հայ Մամուլ»ի խմբագրութեանց
գ) Պ. Յ. Ճգնաւորեանի B. P. 489

ԳՈՆՍԹՈՒՑԱՅ՝ Պ. Արակն Տէյիրմէննեանի Str. Stefan cel Mare, No. 60

ՊԱԶԱՐՁՀՈՅ՝ Պ. Նազարէթ Գազազեանի Str. Alex. Ion Cuza, No. 38

ՍԻԼԻՍՏՐՈՅ՝ Պ. Խաչատուր Եգանեանի Str. Gen. Istrate, No. 8

ՓԼՈՒՅՏ՝ Պ. Նշան Մականեանի Str. Pantofari, No. 6

ԿԱԼՈՅՏ՝ Պ. Ա. Միասքեանի Str. Sf. Spiridon No. 28

«ՄԱՍԻՍ» Ո-ՀԱՅ ՀՐԱՏ. ԱՆԱՆ. ՀՆԿԵՐՈՒԹԻՒՆ
ՄԱՆԿԱԿԱՆ ԳՐԱԴԱՐԱՆ ԹԻՒ 7

845

U-36

Կումառհի Սիկիիր

ԻՇՈՒ ՄԸ ՅԻՇԱՏԱԿԱՐԱՆԸ

Թարգ. Օր. Ա. Սիրունեան

ԷՏՄՈՆԹ ՏԱՄԻՉԻՒ

ՓՈՔՐԻԿ ԼՐՏԵՍԸ



ՊՈՒԲՐԵՇ

Տպարան «Ապորիա» Ե. Սարգսեանի
Բիբուր Լուժիան 14

1935



12664
6106

„M A S I S“
SOCIETATE ANONIMA DE EDITURA
CAPITAL SOCIAL LEI 500.000

SEDIUL — BUCUREŞTI — B-dul MARIA No. 8 Etaj II

30.07.2013

1940



ԻՇՈՒՄԸ ՅԻՇԱՏԱԿԱՐԱՆԸ

Սիրելի Տէրու,

Ինձ հետ թէեւ յաւ կը վարուէիր, բայց արհամարհանքով կը խօսէիր ընդհանրապէս էշերու մասին:

Մեր ցեղը մարդոց տւելի յաւ ճանչցնելու համար, այս յիշատակարանը կը գրեմ և կը նուիրեմ քեզի:

Պիտի համոզուիս թէ մարդիկ որքա՞ն անիրաւ վերաբերուած են էշերուս հանդէպ. պիտի տեսնես թէ մենք ալ խելացի ենք և ունինք բարձր յատկութիւններ. պիտի տեսնես թէ երիտասարդական չարաճճիութիւններուս համար պատժուելէ վերջ, զգաստացած ու խելօքցած ըլլալով՝ կրկին շահած եմ աւերերուս համակրութիւնը և ընկերներուս բարեացակամութիւնը:

Վերջապէս, այս գիրքը կարդալով, դուն և բոլոր մարդերը պիտի փոխէք ձեր վերաբերումը էշերու հանդէպ և ասկից վերջ ձեր նմանները նախատելու համար փոխանակ անոնց ըսելու «իշու պէս անխելք, իշու պէս տպէտ եւն», երբ ուեւէ մէկը գովել ուղէք, պիտի ըսէք, «իշու պէս հանճարեղ, իշու պէս գիտնական, իշու պէս հնագանդ»:

Զըռու, հի հա՞ն... սիրելի տէրս, կը մաղթեմ որ քու իշուդ կեանքի առաջին տարիներուն չի նմանին կեանքիդ օրերը:

Հաւատարիմ ծառադ
Գիտնական էշ
ԳԱԱԴԾՕՆ

32325-Ա. Հ.



(5677-58)
25499-60

ԻՇՈՒՄԸ ՅԻՇԱՏԱԿԱՐԱՆԸ

Շ Ո Ւ Կ Ե Ն

Թէեւ չեմ յիշեր պզախկութիւնս, բայց կը կարծեմ թէ աշխարհի վրայ գտնուած բոլոր էշերու մանկութիւննեն աւելի բաղդաւոր չէ եղած: Խելքս հասած օրէն ճանչցայ այն ճշմարտութիւնը, թէ էշերը գեղեցիկ և հաճելի անասուններ են, միեւնոյն ատեն խելացի. և եթէ այդ բարեմասնութիւններուն վրայ աւելցուի այն գեղեցիկ առաւելութիւնն ալ, որ ես ունիմ իբրեւ փորձառութիւն, իբրեւ ծերացած էշ, այն ատեն կը կարծեմ թէ մարդիկ պարտաւորուած պիտի ըլլային յարգանքով վերաբերուի էշերուն հետ, փոխանակ ծեծելու և նախատելու շարունակ:

Մարդէն աւելի խելացի ըլլալուս ապացոյցը տուած եմ շատ անզամ՝ խաբելով տէրս: Տեսուք, թէ ինչ խաղեր խաղցած եմ տիրոջս գլխուն՝ երիտասարդութեանս:

Վստահ ըլլալով թէ մարդիկ գաղափար չունին բնաւ էշերու հասկացողութեան մասին, ձեռնարկեցի

այս յիշատակարանը կազմելու, որպէսզի կարդացող-ները հասկնան և ճանչնան էշերու արժէքն ու կա-րեւորութիւնը :

Մեր քաղաքին հրապարակը տօնավաճառ մը կը բացուի ամէն երեքաբթի : Ամէն մարդ կը տանի իր ապրանքը ծախելու համար : Բանջարեղէններու դէղերուն, կարագի, հաւկիթի, պանիրի, և ամէն տե-սակ ուտելիքներու և հաղարումէկ ծախուելիք ա-ռարկաներու առատութեան առջեւ մարդիկ կեցած գովքը կը ընեն իրենց ապրանքներուն : Գնողներու բաղմութենէն կը գոցուին ճամբաները և կը խլա-նան ականջներդ տիրող և մինչեւ իրիկուն տեւող աղմուկէն :

Այս երեքաբթի օրերը տանջանքի և ա-նիծուած օր մըն է էշերուս համար, և այդ երեք-շաբթի օրերուն չարչարանքը կրած եմ մինչեւ այն օրը, երբ քու մեծ մայրիկիդ ձեռքը անցայ՝ անոր ծառայելու համար :

Ես տակաւին ձերը չեղած, կը պատ-կանէի խատապահանջ ագարակի տիրուհիի մը, որ իր ագարակին բոլոր բերքերն ու արտադրութիւնները հաւկիթ, պանիր, հաւ, կարագ, ընկոյզ, կովերէն կիթած կաթը, քաղուած ու հաւաքուած բանջարե-ղէնները, պտուղով լցուն սակառներու հետ բոլոր միասին կը բեռնէր վրաս և կը քշէր քաղաք :

Ծանը բեռան տակ կքած, հազիւ կրնայի քայ-լերս նետել՝ անխիղճ տիրուհիս ինքնալ կ'ենէր վրաս և տեղաւորուելով պատողի կողովներուն մէջտեղ կ'սկսէր հարուածներ տալ գլխուս և կողերուս, որ-պէսզի արագացնեմ քայլերս և աւելի շուտ հասցնեմ զինքը տօնավաճառին : Ի հարկէ չափազանց յոզնելէս և նեղուելէս՝ կ'սկսէի բարկանալ երբ հարուածները տւելի ուժզին իջնէին գլխուս :

Բայց ինչ կրնայի ընել բացի զուլէն և իշավարի ցոյցեր ընելէն : Կը ջանայի թէ ձայնովս և թէ շար-ժուձեւերով հաճելի ըլլալ տիրուհիիս : Բայց անօգուտ, ան իր ընելիքէն և գիտածէն չէր շեղեր բնաւ, և օր մը օրանց չեղաւ որ ան, իբրեւ մարդ, իմ զրու-թեանս մէջ մտնելով հասկնար զիս :

Ամէն ատեն, երբ պէտքը կ'ունենար զիս քա-կելու ախոռիս մսուրին առջեւէն, կ'սկսէր իր սաղ-մուր կարդալ զիմուս «Դէհ, ծոյլ էշ, զուլէն խլացու-ցիր ականջնիս, գատարկապո՛րտ, յամա՛ո ու յիմա՛ր անաստոն ևն» :

Ժիվին կը պատուիրէր որ պախուցէս բռնած սպասնէ զիս գուռին առջեւ, որպէսզի անհամար բեռ-ցուելիքներ բերելով, զիզէ քովս, շալակս հա-նելու համար զանոնք : Յետոյ իր թոռանը Մարիէթին աթոռ մը բերել կուտար տունէն՝ որպէսզի իր աղջիկը ժիւլ աթոռին վրայ բարձրանալով իր լայնամիստ մար-մինը տեղաւորէ վրաս : Աշխարք մը բեռ և Մարիէթային մայրը վրաս հանելէն վերջ, բարի ճանապարհ մաղթե-լով կը պատուիրէր աղջկան որ շուտ քալեցնէ զիս և ամուր զարնէ մտրակի հարուածներով :

Եւ ահա շա՛փ, շ՛ւփ, «Այս կերպով շոյելու է քեզ որ քալես, շանսատա՛կ էշ» ըսելով զիմուս և հան-դիպած տեղերուս վրայ կը տեղային գաւազանի հար-ուածները : Ինքը ժիւլ հանգիստ էր վրաս, զիս ծեծե-լու յոդնութիւնը միայն ունէր, իսկ ես . . .

Լեզուս խածած կը վազէի քարասմբակ, և երբ հակառակ բեռիս ծանրութեան ու ցաւատանջ ճիգե-րով վազելում՝ կրկին կը ծեծէր ու կը ծեծէր զիս, փորձեցի տիրուհիս վար ձգել վրայէս : Բայց, բեռանա շատութենէն հազիւ կրցայ ոստում մը ընել և աջ ու ձափի թոթուբուիլ, ու տեսայ որ վար զլորեցաւ խո-

շորածաւալ տիրուհիս և բեռս ու հոգիս թեթեւցան
քիչ մը :

Բայց հազիւ այդ թեթեւութիւնը զգացած
էի երբ տիրուհիս ինքզինքը գետնէն վերցնելով փայտ
մը առած վրաս կը վազէր—«Անպիտան էշ, իմա՞ր ա-
րարած, կեցիր որ օրհնուած փայտով կրթեմ քեղ»
պոռալով, բարկութենէն կարմրած և ակռաները սեղ-
մած :

Իրաւ ալ այնպէս մը ծեծեց, որ հազիւ կրցայ
քալել մինչեւ տօնավաճառ : Հասանք վերջապէս : Բո-
լոր բեռները հետզհետէ վրայէս վար առնելով շարեց
գետինը և զիս ալ կոճղի մը կապելով ֆնաց նախաճաշ
ընել, առանց խորհելու քիչ մը ջուր, բուռ մը խոս
կամ ափ մը զարի տալ ինձ :

Չափազանց անօթութենէն կը մարէի, և
այնքան յոզնած էի որ կը չորնար բերանս : Տի-
րոջս բացակայութենէն օգտուելով գլուխս խոթեցի կո-
ղովներէն մէկուն մէջ և լաւ մը կերայ սնոր մէջի
բանջարեղէնները : Ա՛ն, որքա՞ն համով էին կաղամբն ու
աղցանը :

Կեսնքիս մէջ այդքան կուշտ ու կուռ և համով
կեր կերած ըլլալ չեմ յիշեր բնաւ, բայց հազիւ ա-
ւարտած էի վերջին կաղամբը՝ երբ վրայ հասաւ տի-
րուհիս : Կողովը պարագուած տեսնելով, սոսկալի գո-
ռում մը թնդացուց, մինչդեռ ես իրեն կը նայէի՝ գոհ
և անտարբեր :

Հոս պիտի չկրկնեմ վրաս տեղացած հայնո-
յանքները... այլանդակ գէմք մը առած այն տե-
սակ գէշ ու ամօթ խօսքեր կը հանէր բերնէն որ ես
անգամ էշ ըլլալով կը կարմրէի զանոնք լսած ատենս :

Այս բոլոր նախատական աղաղակներուն
իբրեւ պատասխան լեզուովս բերանս սրբելով
կոնակս դարձուցի կամաց մը . այն ատենս փայտ մը

քաշելով՝ այնպէս սաստիկ հարուածներ տուաւ ինծի
որ այլեւս չկրնալով հանդուրժել, երկու երեք կից
զարկի իրեն և տեսայ որ քիթը արիւներ, ակռան
կոտրեր, ձեռքերը արիւներ եմ, կից մըն ալ փորին և
փուեցի անխիղճը :

Յանկարծ քսան հոգի վրաս վազեցին և
հայնոյանքի մըցումներով սկսան ծեծել ու ծե-
ծել զիս :

Չեմ գիտեր թէ ո՞ւր տարին տիրուհիս,
միայն թէ ցիցի մը կապեցին զիս, բերած բանջարե-
ղէններուս քով, ուր մնացի երկար ատեն, բայց տես-
նելով որ մտածող չի կայ իմ մասիս՝ երկրորդ կողովին
մէջիններն ալ կերայ լաւ մը և ստամոքս գոհացնելէ
ու տրամադրութիւններս կանոնաւորելէ յետոյ չուանս
կտրեցի ակռաններովս և ուղղուեցայ գէպի ագարակ :
Ճամբան ինձ հանդիպող մարդիկ կը զարմանային սան-
ձարձակ մինակութիւնս տեսնելով :

«Սա՛ չուանը կարած իշուկին նայեցէք, փա-
խած է անպատճառ» : Եւ այսպէս դիմացս ելնողը կամ
ծաղրանք մը կամ բանբասանք մը և կամ հայնոյանք
մը կը նետէր վրաս :

Այս ու կին մը, իրենց տղուն ձեռքէն բոնած,
կ'երթային իմ ճամբուս ուղղութիւնով :

— Լաւ հանդիպեցաւ այս իշուկը, բոնէ՝ որ
տղաս վրան դնեմ, ըստ կինը ուրախացած :

— Դո՛ւն ալ կրնաս հեծնել, պատասխանեց ա-
մուսինը գէպի ինձ ուղղուելով : Ես ալ իմ հնազանդ
ըլլալս ապացուցանելու համար կամաց մը մօսեցայ
գիւցիներուն :

— «Այս ի՞նչ լաւ հանդիպեցաւ, և թէ խելօք էշ մը
կ'երեւի» ըսելով մարդը մէկիկ մէկիկ վրաս հանեց իր
տղան ու կինը : Իրենց խօսքերը լսելով ինդալս եկաւ :

Երբ լաւ վարուիս էշու մը հետ, բնաւ չարու-

թիւն ընէր ան։ Մենք բարկացու, անհնաղանդ և յա-
մառ կ'ըլլանք այս ատեն միայն երբ պէտք ըլլայ վրէժ
լուծել մեր վրայ հեծած հայրոյող և ծեծող մարդէն,
մենք աշխարհի վրայ գտնուած ամէն կենդանիներէն
աւելի հնազանդ, խոճեմ և համբերատար ենք՝ երբ ըն-
դունուած եղանակով վարուին մեզի հետ և խնամենք
մեզ։

Վրաս հեծած կինն ու մանուկը բնակարանը
տարի. երկու տարեկան փոքրիկը չէր կշտանար զիտ
զգուելէ, որովհետեւ սիրուն և հիանալի կը զանէր
զիս, նոյնիսկ փափաքեցաւ միշտ իր քովը պահել զիս,
բայց ես չուզեցի կենալ հոն՝ մտածելով որ պատուա-
ւոր բան մը ըբած պիտի չըլլամ հեռանալով տէրերէս,
օրոնք զրամով զնած էին զիս, մանաւանդ որ սիրու
ալ իջած էր բաւական՝ անոնց համեղ բանջարեղիննե-
րը ուտելով և տիրուհիս քիթն ու ակռան կոտրելով
վրէժս լուծած ըլլալուս համար։

Եւ այսպէս, տեսնելով որ մայրը՝ զաւա-
կին հաճոյք պատճառելու համար կ'ուզէ զիս կա-
պել և իրենց քով պահել, անմիջապէս մէկ կողմ ցատ-
կելով փախայ դէպի տուն։ Ամէնէն առաջ, տիրոջտ
աղջիկը, Մարիէթը եղաւ զիս տեսնողը։

— «Այ, Գաղիշօնը նայեցէք, Գաղիշօնը, ի՞նչ
ալ կանուխ եկաւ, եկուր համեստը վար առ, Ժիւլ։

— Անպիտանն էշ, ըստ Ժիւլ բարկացած, ամէն
ատեն իրմով կ'զբաղեցնէ մեզ։ Աստուած վկայ, փա-
խեր է այս կենդանին։ Ստորին անաստոն, աւելցուց
յետոյ, եթէ հաստատուի որ փախեր ես, փայտի հար-
իւր հարուած պիտի ուտես։

Հաղիւ սանձս ու համեստս հանած էր Ժիւլ, երբ
փախչելու նպատակով նետուեցայ խոտերուն մէջ,
այս ընդուստ շարժումիս ատեն ազարակէն աղմուկ
մնը է փրցուցին, ցանկապատին մօտենալով տեսայ որ

տուն կը բերեն տիրուհիս վիրաւոր և անկար, վախը
մտաւ ներսա վերահաս ծեծերուն համար, որոնց պի-
տի ենթարկուէի անխուսափելի կերպով։

Շատ որոշ ձեւով արդէն իմացայ Ժիւ-
լին ձայնը որ կ'ըսէր. — «Հայրիկ, սա մեծ
գաւագանիդ տեղը ըսէ՛, տանիմ ծառին կապեմ այս
խայտառակ էշը և այնպէս մը ծեծեմ որ խելքը գլուխը
դայ, պիտի ծեծեմ մինչեւ որ գետին փոռուի։

— Պէտք եղածին պէս տիէ, միայն նայէ որ
չսատկի, և վրայ չերթայ անոր համար տուած գրամ-
նիս, արդէն պիտի ծախեմ յառաջիկայ տօնավաճա-
ռին, ըստ հայրը։

Տեսնելով որ Ժիւլ ախոռ կը վագէ զաւագանը
մինտուելու, մկայ գողալ կեցած տեղս. վարանելու
ատեն չէր. առանց խղճահարելու ինձ համար տրուած
գրամի մասին, ուժերս հաւաքելով զերբնական ու-
տումով մը ցատկելով ցանկապատի անդիի կողմը,
նետուեցայ դիմացի գաշտը։

Կարծելով թէ Ժիւլը և մայրը կը հետա-
պնդեն զիս, գաշտին մէջէն վազեցի երկար ատեն և
երբ ուժերս ապաւեցան, կանգ առի քննելու համար
դրութիւն։ Յետոյ բլուրի մը վրայ ելլելով զիտեցի
թէ արգեօք կը վնտուէն զիս, ետեւէս վազողներկան,
բայց տեսնելով որ մէկը չկայ, շոնչ քաշեցի հան-
գիստ և ուրախացայ այս գէշ տէրերէս ապատած ըլ-
լալուս համար։

Ստիպուած էի հիմակ ալ մտածել ա-
պագայիս մասին. եթէ այս քաղաքին մէջ կենայի, օր
մը չէ օր մը ո՛եւէ մէկը զիս ճանչնալով պիտի վե-
րադարձնէր տիրոջս, ի՞նչ ընէի, ո՞ւր երթայի։

Չորս կողմս նայելով ինքինքս մինակ և դը-
րադդ կը զանէի և այդ գէշ վիճակիս վրայ արցունք
պիտի թափէի երբ նկատեցի թէ կը գտնուիմ զեղեցիկ

անտառի մը եղերքը . Սէնդ Եվրուլտի անտառը , «Օ՛խ , ի՞նչ լաւ է , բացագանչեցի , թէ ջուր կայ և թէ թարմ խոտ , կը կենամ հոս քանի մը օր , յետոյ կ'երթամ այն տեսակ տեղ մը որ շատ հեռու ըլլայ տիրոջս ազարակէն» :

Անտառը մտնելով սկսայ ճարակել թարմ խոտը և լաւ մը փորս կշտացնելէ վերջ գացի ջուրս ալ խմել աղրիւրի վճիռ կայլակներէն : Մուժը կոխելուն պէս , ծառի մը կոճղին քով կանաչ խոտերուն վրայ պառկելով անուշ անուշ քնացայ մինչեւ արշալոյս :

ՀԱԼԱԾԱՆՔ

Յաջորդ առտուն , լաւ մը ուտել խմելէ վերջ սկսայ մտածել երջանկութեան մասին :

— «Վերջապէս ազատեցայ , կը մտածէի , ալ երբեք զիս պիտի չկրնան գտնել , մէկ երկու օր եւս ինք-զինքս գտնելով կ'երթամ աւելի հեռուները» :

Հազիւ տուած էի այս որոշումս , երբ հեռուներէն իմացայ շան մը հաջիւնները , հետզհետէ երկու , երեք , և շատցան շուներու ձայները :

Վախցած և վրդովուած , յառաջացայ դէպի այն առուակը որ նշմարած էի առտուն : Հազիւ մտած էի առտուն , երբ իմացայ ժիւլին խօսիլը շուներուն հետ : «Ձեզ տեսնեմ , շուներ , գտնէք անպատճառ սա թշուառականը , և ոտքերը խածատել , պատուերով ինծի բերէք շուտով , որպէսպի կըթեմ զայն սա օրհնուած զաւագանովս» :

Վախէս սկսայ աւելի արագ մտածել վրկութեանս մասին , խորհեցայ յանկարծ որ եթէ ջուրին մէջ մտնեմ շուները չեն կրնար առնել հոտս , որով կ'ազատիմ անոնց հետապնդումէն , մտածելս ու ջուրը

մտնելս մէկ եղաւ , ջուր մը որ երկու կողմերէն խիտ մացառներով եղերուած ըլլալու առաւելութիւնը ունէր :

Գէշ չէր ըրած զիւտս , որովհետեւ ջուրը մտնելէս յետոյ հետզհետէ հեռացան շուներուն հաջիւններն ու ժիւլին ձայնը և քիչ վերջ ոչ ձայն մնաց ոչ շարժում :

Յոզնած և դողահար , վայրկեան մը զբաղեցայ թուփերուն տերեւները ուտելով , ցուրտէն ոտքերս կ'սկսէին փայտանալ , բայց տակաւին չէի համարձակէր ջուրէն դուրս ենել , շներէն գտնուելու վախը փորս էր միշտ :

Բաւական հանգստանալէս և ապահովուելէս յետոյ , կամաց կամաց երայ ջուրին մէջէն , մտայ անտառը և աւելի յառաջանարով անտառէն դուրս՝ գտայ մարգագետին մը , ուր յիսունէ աւելէ եզներ կ'արածէին արեւուն տակ . հոն խոտին մէկ անկիւնը պառկեցայ և բաւական հանգստանալէս վերջ ես ալ ենելով սկսայ ճարակել համեղ ու թարմ խոտը :

Իրիկուան վրայ , երկու մարդ մտան մարգագետինը և սկսան խօսիլ իրարու հետ : — «Այս գիշեր եղները ներս առնելու է , կ'ըսէր միծի , անտառին մէջ գայլեր կան եղեր , լէկի գիւղացիներէն լսեցի թէ չէ աղարակին էշը գայլերը տարած և յոշոտած են անտառին մէջ» :

— «Ականջ մի՛ կախեր այդ տեսակյիմար խօսքերուն , այդ ազարակին մարդերուն անխղճութիւնը ծանօթ է ինծի , ո՞վ գիտէ որքան անզթօրէն ծեծեցին իրենց էշը և այն խեղճ կենդանին ալ ձգեց վախսւ , հիմակ ալ ելեր գայլը փարատեր է կ'ըսեն :

— «Դուն գիտես ; ետքը պատասխանատու չեմ , իմ կարծիքով , կենդանիները ներս առնելը ամէնէն ապահովն է , ատով բան մը չենք կորսնցներ» ըսելով

հեռացաւ մեծը գործը՝ յանձնելով միւսին կամքին և
պատասխանառութեան :

Այս խօսքերը լսելով պառկած անկիւնէս չէի
շարժեր բնաւ . բարեբաղդաբար խոտերը շատ բարձր
ըլլալով թաղած էին զիս իրենց մէջ , իսկ եզները ինձ-
մէ շատ հեռու ըլլալով անդիի կողմէն առաջնորդուե-
ցան դէպի ագարակ , որով ես մնացի աննշմար ու հան-
դիսու :

Գայլերէն վախ չունէի ի հարկէ , որովհետեւ ես
էի այն էշը որու մասին կ'ըսէին թէ կերեր են գայլե-
րը , մանաւանդ որ անտառին մէջը եղած ատենս
գայլերուն պոչն անգամ չտեսայ՝ փառք Աստուծոյ ,
որով փառաւոր մը քնացայ խոտերուն մէջ :

Առտուան նախաճաշ լմնցներու վրայ էի արուէն ,
երբ երկու շուներու առաջնորդութեամբ մարգագետին
կը մտնէին եզները :

Մինչդեռ ես հանդարտ կերպով կը դիտէի զի-
րենք , շուներէն մին զիս նշմարելով սկսաւ վրաս վա-
զել սպառնական կերպով , անոր հաջոցէն միւս ընկերն
ալ հետեւեցաւ իրեն : Մտածեցի , ի՞նչ ընեմ ազատե-
լու համար այդ անպիտաններէն :

Բոլոր ուժովս մարգագետնի ցցապանէշին
վրայէն ցատկելով մօտեցայ ասուակին և տա-
կաւին կ'ուղէի անկէց ալ անդին նետուիլ , երբ լսե-
ցի մարդուն ձայնը որ շուներուն կը կանչէր : Հան-
գրստացած , կամաց մը ճամբաս շարունակելով , մտայ
անտառ մը որուն անունը անձանօթ էր ինձ : Հէ ա-
գարակէն տասը մղոնի չափ հեռու պէտք էր եղած
ըլլայի , որով այդ կողմի մարդոց անձանօթ ըլլալով ,
կընայի շարունակել ճամբաս ազատ և անվախ :

ԷՇԵՐՈՒՆ ԱՐՇԱԿԱՆՔԸ

Ամբողջ ամիս մը այս անտառին մէջ հանգիստ

ապրելէս յետոյ , տեսայ որ խոտերը կը չորնան , տերեւ-
ները կը թափին և ջրերը կը սառին հետպհետէ . ու-
տելիքի և խմելիքի պակասէն ստիպուեցայ հեռանալ
անտառէն :

Մօտակայ քաղաք մը համնելով տեսայ որ այն-
տեղի էշերը գեղեցիկ կերպով զարդարուած՝ տեղ մը
կ'երթան հանդիսաւոր ձևով . օտարական ըլլալով չէի
զիտեր թէ ինչո՞ւ համար տօնի կերպարանք է առած
քաղաքը :

Եռուգեսին պատճառը համեստու համար մօ-
տեցած էի էշերու խումբին , երբ երիտասարդ մը , մա-
տովը զիս ցուցուներով , ըստ ընկերներուն :

—«Սա իշուն նայեցէք , տղաք , սատկած և ան-
խընամ վիճակով՝ կարաւանին խառնուեր է , այս ողոր-
մելին ո՞վ , վազքի մտնողը ո՞վ...» Եւ բոլորը սկսան
ծաղրել զիս և խնդալ վրաս : Մէկը՝ սանտր չտեսած
մազերուս մասին հեգնանք մը նետելով , միւսը նի-
հարութեանս մասին բանաստեղծութիւն շինելով կը
դուարձանային ճամբուն մէջ :

Բայց ես համկցայ սակայն որ արշաւի համար է
եղեր այս հաւաքոյթը , որով ես ալ պատրաստուեցայ
մասնակցելու վազքին : Վստահ էի թէ պիտի շահիմ
մրցանակը , որովհետեւ անտառը եղած միջոցիս , տաք-
նալու համար վազելու վորձերս մարզանք էին եղած
ինձ համար , ուստի առանց վարանելու գացի կեցայ
միւս էշերուն ետեւը և վեհ կերպարանք մը առնելով
սկսայ զուալ ձայնիս բովանդակ ուժգնութիւնովը :

Վազքին մէջ առաջին ելլողը ժամացոյց
մը պիտի շահէր . կը մտածէի որ այդ շահելիք ժամա-
ցոյցս նուէր մը պիտի ըլլար այն բարի կնոջ որ
Մայր-Թլունչէ կը կոչուէր և որ լաւ վերաբերում ունե-
ցած էր իմ մասիս իր խօսակցութիւններու միջոցին :

Բոլոր երիտասարդները կը ծիծաղէին միշտ՝

վրաս նայելով, մէկը չէր ուզէր տէր կենալ ինծի, զիս պաշտպանող բարի կին մը միայն տէրութիւն ուզցը ընել ինձ, — «Եթէ տէր չունի, թող տիրուհի մը ունենայ», ըսելով:


— «Արդէն կը ճանչնամ զայն, Գաղիշօնն է, կ'երեւի թէ իր տէրերէն բաժնուելէն յետոյ ամբողջ ձմեռը անցուցեր է անտառին մէջ, որով, ես կը հովանուորեմ զայն այս օրու ընէ սկսեալ, և կը վազցնեմ իմ հաշլոյ»: Ինծի մօտեցաւ աղնիւ կինը և զիս շոյելէ յետոյ թաշկինակին ծայրէն յիսուն սանդիմ հանելով ձգեց քաղաքապետին պարկին մէջ՝ հաստատելու համար վազելու իրաւունքս:

Ի նշան երախտագիտութեան, Մայր-Թրունշէի մօտենալով, սկսայ գարձգարձիկ խաղերով ոստումներ ընել այն տեսակ համարձակ և դիւրաթեք ձեւերով որ բոլոր տեսնող երիտասարդները վախցան որ կրնամշանի մրցունակը: Նոյնիսկ խորհրդակցեցան, նեռացընելու համար զիս արշաւի վայրէն. և քիչ մը վարսակ առած ինծի մօտեցնելով հրամցուցին՝ հետդհետէ ետ ետ երթալու և այդ վարսակին հրապոյրով զիս նեռուները տանելու նպատակով:

Սակայն իզո՞ւր, ես ամէն բան հասկրցած ըլլալով աւելի մօտեցայ Մայր-Թրունշէյին և արհամարնեցի ինձ հրամցուած վարսակը՝ հակառակ իմ ուտելու բուռն վափաքիս: Երբ այդ կերպով չյաջողեցան, սկսան քաշել ականջներէն՝ բոնի տանելու համար զիս, ես ալ իմ վառառոր ծայնս ձգելով հանդիսաւոր կերպով մը զռացի բարձրածայն:

Վաղքի ժամը համսնելուն, իմ կարգիս սպասեցի պատուաւոր կերպով: Ամէնէն վերջն էր իմ տեղս, բայց միւս էշերը հազիւ հարիւր քայլ էին առած, երբ ես ամէնէն առաջ անցայ, շարունակելով վաղքս միշտ աճող արագութիւնով, միայն երբեմն ետիս կը դառ-

նայի, ետ մնացած ընկերներուս խոռված կերպարանքը դիտելու համար, որչա՞փ կը զուարձանայի տես-




նելով թէ ինչպէս կատղած էին ընկերներս՝ անծանօթ խեղճ էշ մը իրենցմէ առաջ անցած ըլլալը տեսնելով, անոնց այդ տագնապը աւելի կը սրէր վազելու ախորժակս ու կը լարէր ուժերս: Տակաւին շատ հեռու էին մրցակիցներս երբ ես հասայ նպատակակէտին:

Յոզնած և զողալով կը բէի ներկաներուն ծափահարութիւնները՝ յաղթանակի երջանիկ յուղում մը

զգալով մէջս : Հպարտութիւնով մօտեցայ քաղաքաւ-
պետին՝ ընդունելու համար մրցանակը : Մայր-Թրունչէ
քովս եկաւ անմիջապէս և շոյեց զիս :

Զար մարդիկը չուզեցին ինձ տալ մրցանակը
առարկելով թէ անծանօթ էշ մը չի կրնար իրաւունք
ստանալ : Այն ատեն, ժամացոյցին և պարկին մօտե-
նալով, ակտաներովս վեր վերցուցի և բարի կնոջ ձեռ-



քին մէջ զրի . խեղճ կինը, վարանած, քաղաքապե-
պետին որոշումին կ'սպասէր :

Իմ այս վերջին շարժումս տեսնելով ամբոխը
սկսաւ ծափահարել : Այն ատեն, — «Ծնկերննե՛ր, ըստ
ծաղրանքով քաղաքապետը, դէպի երկու երիտասարդ՝
ներուն նայելով, կը կարծեմ թէ մեր էշերէն
ամէնէն էշը այս կնոջ էշը չէ, այլ . . .

—Պոակօ՛, պլատօ՛, պարոն քաղաքապետ, դոչե-
ցին ամէն կողմէ :

Բոլորն ալ սկսան խնդալ, բացի այն երկու տը-
ղոցմէն որոնք բուռնցքնին ցուցնելով հեռացան՝ բար-
կացած :

Շիտակը ըսելով, ինձ գուարձութիւն չպատճա-
ռեցին քաղաքապետին գովասանքները որոնցմով ինձ
հաւասար կը նկատէր իմ երկու թշնամիներս . իշու
վարձատրութենէս զրկուած էի ես, նոյնիսկ Մայր-Թր-
րունչէն, ժամացոյցն ու հարիւր երեսուն և հինգ
ֆրանքը տեսնելուն պէս՝ մտքէն անգամ չանցուց գո-
նէ ափի մը վարսակ տալ ինձ, նոյնիսկ զիս երեսի
վրայ ձգելով մեկնեցաւ բազմութեան հետ :

Բ Ա Ր Ի Տ Ե Ր Ս

Մարգագետնին վրայ միս մինակս կեցած էի
տրատում տխուր . երբեմն անցնող տղաք ինձ մօտե-
նալով կը նեղէին զիս պոչէս քաշելով : Կը մտածէի
թէ մարդոցմէ տւելի բարի և լաւ են էշերը, երբ յան-
կարծ հինգ տարեկան տղեկ մը իր թաթիկները վրաս
քսելով սկսաւ շոյել զիս ու խօսիլ :

—Խեղճ կենդանի, ատերախտ գտնուեցան քեզի
հանդէպ, եկուր մեծ մայրիկիս տանիմ, ան շատ լաւ
կը խնամէ և կը սնուցանէ քեզ :


Այդ փոքրիկը ժագ անունով ինը տարեկան
եղբայր մըն ալ ունէր, ժագը վրաս նստեցնելով ու-
ղեցին մեծ մօրերուն տանիլ զիս, և որովհետեւ չէի
ուզեր քալել, ծառան փայտը վերցուց ինձ դարնելու



համար, բայց ժագը արգիլեց զայն և կամացուկ մը բերանը ականջիս մօտեցնելով ըաւ :

—Պատիկ, սիրուն Գաղիշօնս, շատ կը խնդրեմ որ քալես» . այս անուշիկ տղուն աղաչական ձայնը աղղեց ինձ, որով սկսայ քալել :

—«Կը տեսնե՞ս, ինչպէս հասկցաւ ըսածս, անուշութիւնով աւելի կարելի է ներգործել քան խստութիւնով» ըսելով, առջեւս ինկած զիս կ'առաջնորդէր տուն :



Երբ զղեակնիս հասանք, անմիջապէս մեծ մօրը քով վաղեց ժագ և զայն քաշքելով բերաւ մօտս :

—«Նայէ, մեծ մայր, աղուորիկ էշ մը, նայէ, ի՞նչ անուշիկ է, և կը սիրէ զիս» :

—«Խսկապէս որ սիրուն էշ մըն է, ըսաւ մեծ մայրը, խելօք ալ կ'երեւի» : Եւ մօտենալով շոյեց տկանջներս, յետոյ ձեռքը խոյեց բերանս, փորձելու համար թէ պիտի խածնե՞մ արդեօք, բայց ես ոչ ձեռքը խածի և ոչ ալ անքաղաքավար ո՛եւէ շարժում կատարեցի : Ժագ աճապարեց անմիջապէս ըսել մեծ մայրիկին թէ «պիտի պահենք, այնպէս չէ» :


—«Այս, սիրելի զստակներս, հաւասարեց մեծ մայրիկը, թէեւ մեզի չպատկանիր ան, բայց քանի որ անսէր է մնացած, պարտաւոր ենք ներս առնել և խնամել զայն» : Այսպէս զանազան գովեստներսվ և անուշ խօսքերով առաջնորդեցին զիս դէպի ախոռ :

Երկար ապրեցայ այդ բարի մարդոց քով, անոնց սիրուն տղոց խնամքին տակ, և մեծ հաճոյք էր ինձ համար պտոյտի տանիլ փոքրիկները՝ վրաս նրանեցուցած :

Գ Ո Ղ Ե Բ Ը Ր Ը

Օր մը, պտոյտի երթալու համար, բակը հաւաքուած էին բոլոր աշգական փոքրիկները, կ'երեւի թէ հեռու տեղ մըն էր երթալիք վայրերնին, ինձմէ զստ թէեւ ուրիշ էշեր ալ բերած էին քովս, բայց տղաքը բոլորն ալ կը փափաքէին իմ վրաս հեծնել, վերջապէս քուէ ձգելով լուին շահեցաւ . խեղճ ժագը արցունքոտ աչքերով ինծի մօտենալով ըսաւ յուղուած :

—«Գաղիշօն, միշտ քու մօտէդ պիտի քալեմ ես, բայց նայէ որ շատ չի վաղես որպէսպի ետ չի մնամ ես» :



Լուին վրաս ելած ատեն , ժագ պատուիրեց ա-
նոր որ չըլլայ թէ փայտ զարնէ ինծի , — «խօսքով ըսէ
և ան կը հասկնայ» ըսէլով :

Որոշուած տեղը հասնելով , ամէնքը իջան ի-
րենց էշերէն և ծնողքը տղոց ձեռքերէն բոնած տղ-
ղուեցաւ գէպի մօտակայ վանքին աւերակները : Շատ
գէշ համբաւ ունէր այդ տեղը , կ'ըսէին թէ գէշ ոգի-
ներ կը բնակին այդ աւերակներուն մէջ :

Ես ալ քիչ մը հեռանալով , հանգստանալու
համար ելայ բարձրաւանգակի մը վրայ ուրկէ կրր-
նայի տեսնել բոլոր շրջակաները : Քիչ մը վերջ ,
ստորերկրեայ տեղերէ ձայներ իմանալով ականջներու
լարեցի և մտիկ ըրի ուշադրաւթիւնով :

Շատ չանցած , մացառներէն դուրս ելած մար-
դու գլուխ մը նշմարեցի . . . որ ,

— «Բնաւ մարդ չի կայ» . . . կ'ըսէր , չորս կողմը
դիտելով : «Մարդ , մարդասանք չի կայ , կընաք յա-
սաջանալ , ընկերներ , և ամէն մէկդ մէյմէկ էշ փախ-
ցընել» :

Տասներկու հոգի դուրս ելան նոյն տեղէն ,
ցած ձայնով խօսելով . — «Եթէ էշերը փախին , ետեւ-
նուն մի փաղէք : Շուտ և տուանց աղմուկի , այս է
աղդանիշը» :

Եւ բոլոր էշերը ձայն ձոյն չհանած փախցու-
ցին մացառներուն քովէն :

Կը մտածէի թէ այս է եղեր ուրեմն , ժողո-
վուրդը սարսափի մատնող ստորերկրեայ խորհրդա-
ւոր աղմուկը . գէշ ոգիներ ըսուածը գողերու խումբ
մըն է եղեր՝ պահուրտած թաքստոցներու մէջ :

Միտքս զրի մարդոց յայտնել կերպով մը այս
գողերուն գոյութիւնը , և բոնել տալ զանոնք :

Բարձրաւանգակիս վրայ ամրացած մնացի մին-
չեւ որ իմացայ ձայները տերերուն և պղտիկներուն

որոնք կը փնտռէին իրենց էշերը : Վաղեցի որպէսզի
արպիլեմ գանոնք մացառներու մօտենալէ :

—«Այս Գաղիշօնը հոս է , բայց ո՞ւր ևն միւս
էշերը» :

Երբ միւս էշերը փնտռելու համար ուղեցին
դէպի մացառները յառաջանալ , ես ամէն ջանք ի գործ
դրի գանոնք հեռացնելու անկէ , որպէսզի վտանգի
մէջ չիյնան : Այն ատեն Լուիին հայրիկը , շարժում-
ներէս գուշակելով վտանգը՝ ըստ :

—«Ուշագրութիւն ըրէք , Գաղիշօնին այս ձեւե-
րը տարօրինակ և իմաստալից են , գիտէ՞ք թէ ինչե՞ր
պատմուած է այս կենդանիին խելացիութեանը մա-
սին , լաւ է իրմէ խրատուելով ետ դառնանք շու-
տով» : Տղաքը փոխն ի փոխ վրաս հեծցնելով վերա-
դարձանք դղեակ :

Երբ տուն եկանք , երեք մեծ մարդիկը մեծ
մօրը պատմեցին պատահածը և յետոյ գացին իմաց
տալու ստիկանութեան :

ԳԵԾՆԱՓՈՐ ԹԱՔՄՏՈՅՆԵՐԸ

Հաղիւ աւարտած էինք իրիկուան ընթրիքը
երբ ստիկանները տէրերու ընկերակցութիւնով , ե-
կան հրաման ուզել տիրուհիէս որ դիս ալ մէկտեղ
տանին դէպքին վայրը :

—«Այս կենդանին մեզի շատ օգտակար կ'ըլլայ-
ըսին , ասիկայ սովորական էշերէն չէ , մինչեւ հիմակ
անանկ դժուար գործեր է ըրած որոնց վրայ կարելի
չէ չհիանալ :

—Կընաք տանիլ , ըստ մեծ մայրը , բայց շատ
չյուղնեցնէք խեղճ կենդանին , որովհետեւ առտուընէ
ի վեր գործածուած և յոդնած է արդէն :

Խումբին առաջը իյնալով սկսայ յառաջանալ
դէպի վանքին աւերակները : Ես կը կարծէի թէ ու-

տիկանները խիստ և բիրտ մարդիկ են առհասարակ ,
բայց քաղաքավար և անոյշ են շատերուն նման :

Մայրամուտին հասանք վանք , և երբ առե-
րակներուն կը մօտենալինք , հրամանատարը պատ-
ուիրեց միւսներուն որ հետեւին իմ շարժումներուն .
արդէն ձիաւորները իրենց ձիերը թողած էին մօտա-
կայ գիւղ մը որպէսզի մեզի արգելք շրլան այդ ձի-
երը :

Այն ատեն , ես խիստ զգուշ կերպով , մացառ-
ներուն եղերքէն քալելով յառաջացայ մինչեւ մուտ-
քին բերանը ուրկից գողերուն ենելն ու մտնելը
տեսած էի առառուն : Ոստիկանները կոանելով միտք՝
դիրք բռնեցին պատին երկայնքը . վիզս դէպի մուտքը
երկնցնելով , բոլոր ձայնով , սկսայ զուալ , և անմիջա-
պէս պատասխանեցին ինձ ներսը փակուած ընկեր-
ներս՝ իրենք ալ ձգելով իրենց անզուսպ զուրնչիւն-
ները :

Անմիջապէս յառաջացայ դէպի ոստիկունները
և պոչի շարժումներովս հասկցնելով վերադարձայ նո-
րէն մուտքին բերանը , կրկին սկսայ զուալ , բայց այս
անզամ պատասխան չլսելէս հասկցայ թէ գողերը
անապայման քարեր կախած էին էշերուն պոչերէն
որպէսզի անոնք չկրնան զուալ : Գիտէք արդէն թէ
մենք էշերս պոչերնիս վեր կը տնկենք զուած տ-
տեննիւ , և երբ ուժ մը ճնշած է պոչերնիս՝ չենք կրնար
զուալ :

Ես յամառ կերպով կ'ոպասէի մուտքին քովը
մինչեւ որ նշմարեցի գլխու մը գուրս ենելը մա-
ցառներէն . գողը , ուշագրութիւնով չորս կողմը գիտել
և մէկը չտեսնելէ վերջ ըստ ընկերներուն — «Այս առ-
տուան այն անպիտանն է որ ձեռք չանցաւ , հիմա
ոտքովը եկեր է որ ընկերներուն քովը երթայ» :

Բայց երբ եկաւ դիս բռնելու , հեռացայ երկու

քայլ, ետեւէս եկաւ, նորէն հեռացայ և այսպէս կամաց կամաց ոստիկաններուն քով բերի: Արդէն ծուղակը ձգած էի զայն, ոստիկանները գողին վրայ նեռուելով գոցեցին անոր բերանը անմիջապէս՝ թոյլ չտալով որ իր ընկերներուն ձայնելու միջոց ունենայ. յետոյ լաւ մը կապելով ձգեցին գետին: Նորէն մօտենալով որջին զուացի, որպէսպի երկրորդ մըն ալ որսամ:

Իրաւ ալ ուրիշ գլուխ մըն ալ դուրս ելնելով կամաց կամաց մօտեցաւ ինծի և ճիշդ առաջինին պէս արժանացաւ նոյն բաղդին: Այս ձեւով հեղինետէ վեց գողեր բոնուելով կաշկանդուեցան՝ բերաննին գոց:

Վեցերորդէն յետոյ կ'երեւի թէ ներսը մնացած ընկերները՝ գողերու չվերադառնալէն կասկածելով չուզեցին վտանգի դնել իրենց կեանքը և մնացին իրենց որջին մէջ:

Գիշերը յառաջացած ըլլալով, հրամանատարը կառքին մէջ դնելով վեց հատ շղթայակապ գողերը կեղրոն զրկեց զանոնք՝ նոր ոստիկան ուժեր բերելու պատուէր տալով իր ընկերոջ, յետոյ մնացած ոստիկանները երկու մասի բաժնելով մէկ խումբը կեցուց գողերու որջին բերանը, իսկ միւսը՝ վանքին դրան առջեւը, զիս ալ լաւ մը շոյել և սիւելէ վերջ թոյլ տուաւ որ շարժիմ ուզած եղանակովս. ոստիկաններէն մին հիանալով իմաստութեանս վրայ կ'ըսէր ընկերներուն թէ—«Եթէ էշ չըլլար, իսաշ պատուանշանին կ'արժանանար»:

Մինչդեռ միւս ընկերը կը պատասխանէր ծաղրանքով թէ արդէն կոնակին վրայ խաչ մը ունի ան:

— Բայց չե՞ս գիտեր թէ այդ խաչը տրուած է անոնց ի վարձ այն ծառայութեան որով անոնցմէ

մէկը իը կոնակին վրայ առնելով Յիսուսը երուաղիմի տաճարը տարաւ զայն:

— Կը բաւէ՛, մի վիճաբանիք, չէ՞ք տեսներ, Գաղիշօնը սկսաւ տնկել ականջները, ըսաւ հրամանատարը:

Իսկապէս քիչ վերջ, սարսափելի աղմուկներ սկսան լսուի կամարին կողմէն, կրակի ճարճատումի և խեղդուող մարդերու ձայներ էին: Ոստիկանները չկրցան հասկնալ իրողութիւնը: Կրակի թանձր մուխեր սկսան բարձրանալ վանքին պատերէն, մուխերուն յաջորդեցին բոցեր, և երբ ինքինքնուս եկանք տեսանք որ բոցերը գրկեր են ամբողջ վանքը:

— «Մառանը կրակի տուին որպէսպի դոնէն փախին, ըսաւ հրամանատարը:

— Վաղենք, կրակը մարենք, տե՛ղակալ,

— Աւելի լաւ է հակէք դուրս ելնելիք անցքերուն վրայ, որպէսպի կրակէք անմիջապէս երբ դուրս ելնեն գողերը, պատուիրեց հրամանատարը: Իրաւ ալ գողերը անցքերէն դուրս փախչի ուղելով հանգիպեցան ոստիկաններուն կրակին և ամէնքն ալ ձեռք ինկան՝ ումանք մեռած ումանք ալ վիրաւոր:

Կոռի պահուն մարած էր կրակը: Բոնուած գողերը կառքի մէջ դրուեցան քաղաք տարուելու համար, իսկ ես ոստիկաններուն հետ մտայ վանքին մատուոր, ուրկից երկար նկուղներէ անցնելէ յետոյ հասանք էշերուն բանտարկուած տեղը:

Ալս դժբաղդ էշերուն պոչերէն կապուած քարերը քակերնուս պէս սկսան զուալ խեղճ կենդանիները, թնգացնելով ստորերկրեայ որջը և ձանձրացնելով հրամանատարը որ կ'ըսէր քիթն ու բերանը դժբաղդութեան ծամածութիւնով այլան դակած—«Լոռութիւն»:

— Ներեցէ՛ք, պարոն հրամանատար, Գաղի-

շօնին շնորհակալութիւն կը յայսնեն, ըստ ոստիկաններէն մէկը :

Ես շարունակ կ'առաջնորդէի զանոնք ստորերկեայ սենեակները, որոնցմէ մէկուն մէջ գողցուած առարկաներ և ուստելիքներ կային, միւսին մէջ՝ փախցուած մարդիկ՝ շղթայակապ։ Այդ խեղճ մարդիկը կը ծառայեցնեն եղեր իրենց, ոմանց խոհարարութիւն, ոմանց լուացարարութիւն և ոմանց ալ զանազան աշխատանք ընել տալով։ Անոնք կատարեալ գերիներ էին երկու երեք տարիներէ ի վեր հոն բերուած ու բոնադատուած։

Յետոյ հասկցանք որ այս գժբաղզները այն պրոսաշլիկներն են եղեր, որոնք մէկ երկու տարի առաջ աւելակները այցելելու գալով անհետացած էին բոլորովին։ Տասնեւչորս հոգի են եղեր, բայց իրենցմէ երեք հատը հիւանդ բլալուն համար գողերը մորթեր են զանոնք իրենց ընկերներու աշքին առջեւ։

Աղատեցան այս անբաղդները, գողերու որջը մաքրուեցաւ, չարագործները պատժուեցան, այդ կողմի խեղճ ժողովուրդն ալ աղատեցաւ աղազայ վտանգներէ։

Գալով ինձի, ամէն մարդ զմայլելով տաղանդիս վրայ կը գովէր զի՞ տարիողելով հոչակս ու անունս։





ՓՈՔՐԻԿ ԼՐՏԵԱԸ

Լումպարտայի աղաստագրութեան պատերազմին առաջնական է 1859ին, Սոլֆէրինսկի և Սան Մարթինսյի ճակատամարտէն վերջ, Գաղփացիներն ու իտալացիները՝ Աւստրիոյ յաղթելով, Յունիս ամսու գեղեցիկ առաւօտ մը, առոյգ հեծելազօրքերու փոքրիկ վաշտ մը՝ ամայի ճամբէ մը կը յառաջանար դէպի թշնամին, դանդաղ քայլերով, ուշադրութիւնով լրտեսելով չորս դին։ Սպայ մը և յիմնապետ մը կառաջնորդէին գունդին։ Վաշտը՝ իր դինուորներով և առաջնորդներով ծայր աստիճան լարուած՝ վայրկեանէ վայրկեան կոսպասէին ծառերուն մէջէն թշնամիին տեսնուելուն։

Հասան տեղ մը ուր կար հացենիի ծառերով շրջապատուած տնակ մը, որուն առջեւ կեցած տասներկու տարեկանի մօտ աղայ մը պպտիկ ճիւղ մը կը տաշէր զմելիով, իրեն համար գաւազան մը շինելու դիսաւորութիւնով։ Մարդ չկար տնակին մէջ, որուն պատուհանէն դուրս ձգուած եռագոյն դրօշ մը կը ծածանէր։ Տանը բնակիչները Աւստրիացիներու վախէն ձգած վախած էին արդէն։ Պատանին՝ հեծելա-

զօրքը տեսածին պէս, գաւազանը մէկդի նետելով հանեց գլխարկը և բարեւի կեցաւ յարգալիր կեցուածքով։ Գեղեցիկ տղայ մըն էր, վառվուուն դէմքով, մէծ ու կապոյտ աչքերով, երկայն, խարտեաշ մազերով։

— Ե՞նչ կ'ընես հոս, — հարցուց անոր սպան, իր ձին կեցնելով։ — Ինչո՞ւ գուն ալ չես վախած ծնողքիդ հետ։

— Ես ծնողք չունիմ, — պատասխանեց տղան, բաղդը ինծի չէ տուած ծնողքս ճանչնալու երջանկութիւնը։ Ասոր անոր քով աշխատելով կը կերտերուիմ, իսկ հիմա եկայ հոս որպէսպի տեսնեմ պատերազմը։

— Աւստրիացիներու անցնիլը տեսա՞ր։

— Ո՛չ, երեք օրէ այստեղն եմ և անոնք չանցան ասկից։

Սպան մասածեց քիչ մը. յետոյ ձիէն վար իշաւ և զինուորները հոն թողլով տունէն ներս մտաւ և ելաւ տանիքին վրայ. . . : Տնակը ցած ըլլալուն համար դաշտին շատ փոքր մէկ մասը միայն կը տեսնուէր անկէ։ — Ծառերուն վրայ ենելու է՝ ըսելով վար իջաւ սպան տանիքէն։ Բարձրաբերձ և բարսկ կազնի մը կար հոն մօտը, կալին տոջեւ։ Սպան փոխն ի փոխը ծառն ու զինուորները դիտելով հարցուց տղուն։

— Աչքը սո՞ւլու է, աշխայժ տղաս։

— Ի՞նչ կ'ըսէք, պարոն սպայ, մղոն մը հեռուն թոշող թոշունն իսկ չկընար վախիլ աչքէս։

— Այն կազնիին գագաթը կրնա՞ն ենել։

— Կէս վայրկեանէն՝ վերը, ծառին ծայրը կը տեսնէք զիս։

— Կրնա՞ն ըսել ինծի ինչ որ տեսնես վերէն, թէ արդեօք այն կողմը աւստրիացի զինուոր, ձիեր,

փոշիի ամպ կամ հրացանի փայլ կը տեսնուի՞ն :

— ինչո՞ւ պիտի չկրնամ :

— ի՞նչ կ'ուզես այդ ծառայութեանդ փոխաբեն :

— Եթէ գերմանացիներ գային, ոչ մէկ գինով յանձն չէի առներ քայլ փոխել, բայց մերիններուն համար կ'ընեմ ամէն հարաւոր գործ : Ես կոմպարտացի եմ, պարո՞ն :

— Լաւ : Վեր ելիր ուրեմն :

Տղան կօշիկները հանեց, տաբատին կապը սեղմեց և գլխարկը խոտերուն մէջ նետելով շուլուեցաւ կազնիէն վեր : Վայրկեան մը յետոյ տղան ծառին վերերն էր արդէն, բունին փաթթուած, սրունքները տերեւներուն մէջ, բայց իրանը ազատ : Այդքան բարձրէն հազիւ կը նշմարուէր արեւուն տակ սակի պէս փայլող անոր խարտեաշ գլուխը, մարմինը փոքրցած կորած էր արդէն :

— Ուղղակի հեռուն նայէ, պոռաց սպան :

Տղան, աւելի լաւ տեսնելու համար, աջ ձեռքը ծառէն բաժնելով ճակտին դրաւ, և յետոյ վարի սպային ուղղուելով և ձեռքը խողովակածեւ բերնին դրած ձայնեց վերէն .— Երկու ձիաւոր ճերմակ ճամբուն վրայ :

— Ո՞չափ հեռու է ասկից :

— Կէս մղոն :

— Կը շարժի՞ն :

— Կեցեր են :

Յետոյ աջ կողմը դիտելով տղան՝ նորէն ձայնեց .— Գերեզմանատան մօտ, ծառերուն մէջ, սուիններու պէս շողշողացող բաներ կը տեսնուին :

— Մարդ կը տեսնե՞ս :

— Ո՞չ : Ցորեններուն մէջ պահուըտած ըլլալու են :

Այս լոտիկին գնդակի մը սոյլը անցնելով բարձր օդին մէջէն, գնաց մարեցաւ տնակին ետեւ :

— Շուտ, իջի՛ր, տղայ, գոչեց սպան : — Տեսած են քեզ : Ուրիշ բան չէմ ուզեր : Վար իջի՛ր :

— Ես չեմ վախնար, — պատասխանեց տղան :

— Իջի՛ր... — կրկնեց սպան, — ուրիշ ի՞նչ կը տեսնես ձախակողմը :

Տղան հազիւ գլուխը բարձրացուցած ձախակողմը, ուրիշ աւելի սուր սուլում մը կտրեց օդը աւելի ցածէն այս անգամ : Տղան ցնցուեցաւ բոլորովին, գնդակը քովէն էր անցած :

— Վար իջի՛ր, պոռաց սպան զայրոյթով :

— Կ'իջնեմ, կ'իջնեմ, պատասխանեց տղան նայուածքը յարելով ճախակողմի ուղղութեան և արտասանելով, — Մատրան մը քով կարծես կը տես . . . :

Երրորդ կատաղի սոյլ մը անցաւ բարձրէն և զիթէ նոյն բովէին տեսան տղուն վար գալը երբեմն ճիւղերուն երբեմն ալ բունին զարնուելով և յետոյ գահավիթեցաւ վար, գլխիվայր և բազուկները տարածուած :

— Անէծք, — գոչեց սպան, վազելով :

Տղան գետին ինկաւ բերանքս ի վար և թերբ բացած մնաց անշարժ, արիւնի վտակ մը կը հոսէր կուրծքին ձախ կողմէն :

Յիսնապետն ու երկու զինուորներ ձիէն վար ցատկեցին, սպան շապիկը բանալով տեսաւ որ ձախ թոքին մէջ էր մտած գնդակը : — Մեռած է բացահնեց՝ սպան : — Ո՞չ, կ'ապրի, պատասխանեց յիսնապետը :

— Սրի և անվեհեր տղայ, լուաւ սպան, սնկամ մըն ալ հաւաքէ ինքինքդ, զիւցա՛զն զաւակ : Եւ երբ թաշկինակը կուրծքին վրայ կը սեղմէր սպան, տղան մեղմիւ, աչքերը բանալով, նուազուն նայուածք



մը պտացուց չորս զին և նորէն գոցելով թարթիչները՝
գլուխը ձգեց վար... մեռած էր : Սպան գոյնը նետած
պիշտիշ դիտեց վայրկեան մը տղան, յետոյ անոր
վլուխը տեղաւորելով ոտքի ելաւ, կրկին նայուածքը
յառեց անոր՝ արտասանելով, —«Խեղճ տղայ, քաղցրիկ
և հերոս զաւակ» :

Յետոյ տնակի պատուհանէն ծածանող եռագոյն
պոշը քաշելով, տարածեց զայն մեռած տղուն վրայ
իբրեւ սուգի պատմուճան՝ միայն երեսը բաց ձգելով :
Յիսնապետը հաւաքեց և մեռելին քով դրաւ կօշիկները,
գլխարկը, քիչ առաջ տաշած զաւագանիկը և զըմելին :

Վայրկեան մը եւս լուռ դիտեցին զայն, յետոյ
սպան յիսնապետին հրամացեց որ մեռելակառքը դրբելով
առնեն անոր մարմինը, և իբրեւ ճշմարիտ զինուոր՝
թաղեն զայն զինուորական պատիւով և պատերազմական
շուքով :

Արեւը մարը մտնելու մօտ, բոլոր խաւալական
յառաջապահ գիծը կը յառաջանար դէպի թշնամին :
Պատանիին մահուան գոյժը տարածուած էր արդէն
ամբողջ վաշտին մէջ :

Առուակով մը եղերուած ճամբան մօտիկէն
կ'անցնէր այն տունին, որուն քովը ցցոււած կաղնիի
ծառին տակ փոռուած էր նահատակ տղուն անշունչ
մարմինը ծածկուած եռագոյնով : Մեռելին քովէն
զայն բարեւելու ատեն կը պոռային միաբերան .

— Կեցցես փոքրիկ կոմպարտացի, փառք քեզ,
հերոս պատանի, մնասրարով, խարտեաշ մանուկ :

Մանուկը հոն խոռերուն մէջ կը քնանար՝
փաթթուած իր դրօշին մէջ, սպիտակ ու գրեթէ ժըպ-
տուն դէմքով, կարծես իրեն համար ըսուածներն ու
սրտագին արտայայտութիւնները իմանալով գոհ և
երջանիկ եղած ըլլար, իր կեանքը իր կոմպարտային
նուիրած ըլլալուն համար :

Վերջ



ՄԵՍՈՊՈՂԵԱՆ

Օ.ԶԳԱՅԻՆ ՃԵՄԱՐԱՆ

ՀԻՄՆՈՒԱԾ 1922

ՍՈՅԻՍ.՝ՊՈԽԵԿԱՐԻՑ.

Ամբողջ պալքաններու մէջ միտեկ գիշերօթիկ
հայ երկրորդական վարժարանն է, որ մասնաւորա-
բար այս տարի ազգային սեփականութիւն գտանալով
կը կառավարուի յատուկ խնամակալութեամբ :

ՃԵՄԱՐԱՆԸ հաստատուած Սօֆիայի մօտ
բարիկովո արուարձանին մէջ ունի հիանալի օդ, գիշե-
րօթիկներու համար ամէն հանգստաւէտ պայման-
ներ, տատտ մնունգ, մայրական խնամք, ծայրայեղ
մաքրութիւն և հայեցի ու ընդհանուր կրթութիւն:

Արձանագրութիւնները կ'ոկոխն ՄԱՅԻՍԻՆ:

ՏԱՐԵԹՕՇԱԿ — լէվո 12000, վճարելի կ մաս-
նավճարով:

Արձանագրութեան, աղայոց և զրամի փոխազ-
րութեան համար ամէն գիւրութիւն կը տրուի Պուք-
բէշի Օժանդակ խնամակալութեան կողմէ.

B-dul Maria No. 8 București



1940

„ՄԱՍԻՍ“

ՈՌԻՄԱՆԱՀԱՅ ՀՐԱՏԱՐԱԿՉՈՒԹԻՒՆ ԱՆԱՆՈՒՆ ԸՆԿԵՐՈՒԹԻՒՆ

ԴՐԱՄԱԳԼՈՒԽ ԼԵՅ 500,000

Պուրբէշ, B-dul Maria, Nr. 8

Ընկերութիւնս ամէն ամսու 15-ին և 30-ին հրապարակ կը հանէ մէւ մէկ դիլք 32 էջէ բաղկացեալ:

ՀՈՅՍ ՏԵՍԱՌ Է

- 1) Տէրն ու ծառան եւ ուրիշ պատմուածներ
- 2) Սասունցի Դաւիթ
- 3) Մըջիւնները
- 4) Լուսերեսն ու Վարդերեսը եւ Սագարած Աղջիկը
- 5) Ուրախ Հնակարկատը եւ Ոսկիէ Աղջիկը
- 6) Մօրը համար
- 7) Իշու մը յիշատակաբանը

ՄԱՄՈՒԼԻ ՏԱԿ ԵՆ

- Տորք Անգեղ
- Առիւծի Տղան
- Արեգնաղան
- Ռէյնիկէ Ազուէսը
- Գրիմ եղբայրներու հէքեաթները ևն, ևն.

ՔԱՂՈՒՄՆԵՐ ԸՆԿԵՐՈՒԹԵԱՆ ՀԻՄՆԱԿԱՆ ԿԱՆՈՆԱԳՐԻՆ

Ցօդ. 7.— Հրատարակել հայ տղոց և պատանիներու համար հայերէն գասագրեր, գրական գործեր և հանգէսներ. տարածել հայ հասարակութեան խաւերուն մէջ արևմտեան մշակոյթը, ինչպէս նաև ծանօթացնել օտարներուն հարմագոյթը:

Հաստատել յատուկ մրցանակ՝ ընկերութեան շահին մէկ մասովը, քաջալերելու համար արժէքաւոր գրական գործերը: